



Ekipa EJS hamutuk ho comunidade suku Lacu-Mesak halo Enkontru Determinasaun Prioridade (PIIM)

Determinasaun Prioridade Iha Aldeia no Suku ba Planu Investimento Integragado Munisipal (PIIM) Husi Munisipiu Manatuto Diskute Ona Iha Nivel Suku

Determinasaun prioridade Aldeia no Suku husi Minisipiu Manatuto ba Planu Investimentu Integragado Munisipal (PIIM) hahú iha Loron 06/03/2017.

Iha Suku Laco-Mesak Postu Administrativo Laco, enkontru determinasaun prioridade ne'e realiza iha loron quarta Feira, 08 Marsu 2017, lolos enkontru determinasaun prioridade ne'e hahú iha nivel Aldeia maibe aldeia lima (5) ne'ebé partense ba Suku Laco-Mesak konsentra hamutuk iha sede Suku hodi hahú identifika no diskute prioridade husi kada aldeia.

Iha sorumutu determinasaun Prioridade ne'e Chefe Suku Laco-Mesak, Sergio R.R. Pereira, hateten "Sorumutu ne'e importante ba comunidade hotu atu identifika difikuldades ne'ebé sira enfrenta hodi propoin hanesan proposta prioridade ba Plano Investimentu Integragado Munisipal (PIIM) iha Suku refere.

Rezultadu husi sorumutu ida ne'e sei submete ba posto administraivo hodi diskute klean liu tan ho sectoral kona-ba prioridade ne'ebé comunidade sira propoin husi aldeia no suku hodi bele sinkroniza ho plano sectoral.

PNDS Munisipiu Manufahi Hala'o Avaliasaun Annual ba Implementasaun Programa PNDS Husi Siklus Dahuluk Nian

Avaliasaun Annual hanesan atividade ne'ebé hala'o hodi hare hikas susesu no dezafiu implementasaun Programa PNDS ne'ebé implementa iha territóriu tomak. Iha Munisipiu Manufahi Avaliasaun Annual ba implementasaun PNDS siklus dahuluk hala'o iha salaun enkontru Munisipal Manufahi (29/03/2017).

Administrador Munisipiu Manufahi Carlito Pinhero, ne'ebé loke enkontru avaliasaun nee hateten Prezensa PNDS iha Munisipiu Manufahi hamosu mudansa signifkadu tanba ajuda tebes comunidade hodi rejolve sira nia difikuldades ne'ebé sira enfrenta.

PNDS hanesan Programa Governo ne'ebé partense husi Ministeriu da Administrasaun Estatal, tuir Administrador ho programa PNDS bele hasae kompartamentu serbisu Ministeriu nian iha Nivel Nasional kampara ho Ministeriu seluk, públiku bele hare katak serbisu ne'ebé Ministeriu nee halo korresponde duni difikuldades ne'ebé comunidade sira enfrenta iha baze. Entrentantu tuir Diretor Delegasaun PNDS Munisipiu Manufahi, Sidonio Gusmao, enkontru avaliasaun nee sei foka kona-ba implementasaun programa PNDS siklu dahuluk nian liu-liu iha aspetu gestaun finansas, sosial no aspetu tékniku.

Diretur Delegasaun PNDS nee, afirma mos katak ho prezensa PNDS iha Munisipiu Manufahi, iha implementasaun Programa PNDS siklu dahuluk liu husi orsamentu estado ne'ebé aloka ba konta bankaria suku nian, fungsionariu PNDS Munisipiu Manufahi fasilita ona komundade sira hodi konstrui projetu infraestrutura basiku ne'ebe ligado barak ho sectoral sira mak hanesan bee mos, irigasaun, estrada rural, ponte kiik hamutuk lima nulu resin nen (56).

PNDS

Hamutuk Ita
Dezenvolve nasaun

Maio 2017

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)




Prioridade sira Iha Nasional

Faze I Siklu 2



Faze II Siklu 2



Proposta Plano Investimentu Integrado Munisipal Diskuti iha Nivel Nasional Molok Aprejenta ba Conselho Ministru

Diskusaun ba proposta plano Investimentu Integrado Munisipal ne'ebé mai husi Aldeia no Suku hotu iha territóriu Timor Leste, Quinta feira nee hahú diskuti iha Nivel Nasional, molok aprejenta ba conselho Ministro hodi hetan aprovasaun. diskusaun nee hala'o iha Timor Plaza Dili, 06/04/2017.

Vice Ministru da Administrasaun Estatal, Tomas do Rosario iha abertura ba enkontru nee hateten enkontru Plano Investimentu Integrado Munisipal iha nivel nasional atu diskuti klean proposta Plano Investimentu Integrado Munisipal (PIIM) ne'ebé sei implementa iha Tinan fiskal 2018 nian.

Vice Ministru Estatal hateten Oras nee dadaun comunidade halerik hela kondisaun infraestruturas basiku, hanesan kondisaun estrada rural, menus bee mos, eskola laiha kondisaun, no infraestruturas basiku seluk. Nune'e iha diskusaun nee sei fo prioridades atu bele tau atensaun liu kona-ba kondisaun hirak nee tanba iha orsamentu geral 2017 orsamentu estado ladauk tau atensaun masimu kona-ba kondisaun infraestruturas basiku hirak nee, ho nune'e iha proposta ba plano investimentu integrado Munisipal tengki tau atensaun liu ba kondisaun infraestruturas basiku hodi bele rejolve difikuldades ne'ebé comunidade sira enfrenta.



Autoridade Lokal Hamutuk ho Ekipa Jestaun Suku Husi Munisipiu Ainaro Hala'o Avaliasaun Annual ba Implementasaun Programa PNDS Siklu Dahuluk

Hafoin kompleta Implementasaun Programa Nasional Dezenvolvimentu Suku (PNDS) ba siklu primeiru (Faze I, II, III), ekipa PNDS Munisipiu Ainaro, hala'o sorumutu avaliasaun annual ho nia objetivu atu hare susesu nomos dezafiu ne'ebé comunidade Munisipiu ne'e infrenta durante períodu implementasaun. Atividade avaliasaun ne'e hala'o iha Salaun Pensaun Nai-Dato Munisipiu Ainaro, (05/04/2017).

Tuir reprezentante Administrador Interino Munisipiu Ainaro, Francisco Barros, hatete katak sorumutu ida ne'e importante tebes tanba bele sukat rezultadu implementasaun programa PNDS tinan tolu liu ba iha Munisipiu Ainaro, tantu ninia susesu nomos dezafiu ne'ebé hetan iha implementasaun. Iha parte seluk nia husu ba Chefe Suku foun neebe foin eleitu atu konsulta no kolabora hamutuk ho ekipa sira iha suku laran atu nune'e bele fo susesu ba dezenvolvimentu iha Suku, tantu liu husi programa PNDS nomos programa governo nian husi seitor seluk.

Iha parte seluk Diretór Delegasaun PNDS Munisipiu Ainaro, Filomeno Ceixas Pinto hatete avaliasaun annual nee halo hodi bele hare susesu no dezafiu ne'ebé ita hasoru durante implementasaun. Dezafiu ne'ebé ita hetan sai hanesan referénsia ida ba ita atu diskute no buka solusaun hamutuk iha avaliasaun ida ne'e atu nune'e iha implementasaun programa PNDS siklu tuir mai ita bele hadi'ak diak liu tan.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl